




**OFFICE OF THE CLERK  
OF THE LEGISLATIVE ASSEMBLY**

PO Box 1866 Apia Samoa - T: (685) 21811 F: (685) 21817 E: ocla@palemene.ws W: www.palemene.ws



03 Fepuari 2020.

**FAASILASILAGA MAI LE OFISA O LE FONO AOA O FAITULAFONO.**

**TAUAOFIAGA FAANATINATI A LE PALEMENE  
ASO LUA, 7 APERILA 2020.**

I le usitaia ai o le Poloaiga na faamaonia e le Afioga i Le Ao o le Malo, ua tuuina atu ai nei le maliega mo le Fonotaga Faanatinati a le Fono Aoa o Faitulafono, i le aso Lua, 07 Aperila 2020, e tusa ai ma le Mataupu 52 o le Faavae, ma Tulafono Tumau 30(3) a le Palemene o Samoa.

O lenei Tauaofiaga o le a iloiloaina ai nisi o Tulafono Tau Faaofi ma Mataupu mo le manuia lautele o le atunuu, aemaise o lu'itau ua feagai nei ma Samoa ma le Lalolagi atoa.

I le tausisia ma le aloaia o fautuaga mo le saogalemu lautele, e faailoa atu ai i le mamalu o Sui Usufono o le Palemene e faapea :-

1. O le a lē faataunuaina le Semina mo Sui Usufono (Pre-Sitting Seminar) i le aso Gafua, 06 Aperila 2020, e pei ona masani ai a'o lumanai ai se Tauaofiaga a le Fono Aoa;
2. Mo Matagaluega ma Faalapotopotoga uma a le Malo, Faalapotopotoga Tumaoti & Pa'aga a le Malo, e fautuaina le auai mai nā o Sui ta'itoatasi, mo pui puiga lautele, ma le gafataulimaina ai o nofoaga ua ma'ea faavasegaina mo lo outou mamalu;
3. Mo le Au-Tusitala & Au-Faasalalau, ua atofaina le nofoaga faapitoa e mafai ai ona māua uma Tualumaga a le Fono Aoa i lea aso.

Talosia i le Agalelei o Le Atua, le Faavae o Samoa, faaifo manū, aua le fonou-susu o Lana Palemene, aemaise o le Tapuaiga a Samoa.

Faia ma le fa'aaloalo tele.

Tiatia Taimalelagi Lima Tualalelei.

**FAILAUTUSI O LE FONO AOA O FAITULAFONO.**